

ԴՐԱՄԱԳԼԽԻՆ ՀԱՏԿԱՑՈՒՄՆԵՐ ԿԱՏԱՐԵԼՈՒ ԿԱՐԳԸ ՀԱՍՏԱՏԵԼՈՒ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

« » _____ 2025 թվականի

N - Ն

ԴՐԱՄԱԳԼԽԻՆ ՀԱՏԿԱՑՈՒՄՆԵՐ ԿԱՏԱՐԵԼՈՒ ԿԱՐԳԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Կինեմատոգրաֆիայի մասին» օրենքի 7-րդ հոդվածի 1-ին մասի 7-րդ կետը՝ Հայաստանի

Հանրապետության կառավարությունը որոշում է.

1. Հաստատել դրամագլխին հատկացումներ կատարելու կարգը՝ համաձայն Հավելվածի:
2. Սույն որոշումն ուժի մեջ է 2026 թվականի հունվարի 1-ից:

Հայաստանի Հանրապետության
վարչապետ Ն. ՓԱՇԻՆՅԱՆ

Հավելված N 1

ՀՀ կառավարության 2025 թվականի
_____ -ի N ____-ն որոշման

ԴՐԱՄԱԳԼԽԻՆ ՀԱՏԿԱՑՈՒՄՆԵՐ ԿԱՏԱՐԵԼՈՒ ԿԱՐԳ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով (այսուհետ՝ Կարգ) սահմանվում է դրամագլխին հատկացումներ կատարելու ընթացակարգը:
2. Կարգում օգտագործվող հասկացություններն ունեն «Կինեմատոգրաֆիայի մասին» օրենքով (այսուհետ՝ Օրենք) սահմանված նշանակությունները:

2. ԴՐԱՄԱԳԼԽԻՆ ՀԱՏԿԱՑՈՒՄՆԵՐ ԿԱՏԱՐԵԼՈՒ ԱՐՔՅՈՒՐՆԵՐԸ

3. Դրամագլխին միջոցների հատկացումը կարող է իրականացվել պետական բյուջեից և օրենքով չարգելված այլ աղբյուրներից:

3. ՊԵՏԱԿԱՆ ԲՅՈՒՋԵԻՑ ՀԱՏԿԱՑՈՒՄՆԵՐ ԿԱՏԱՐԵԼՈՒ ԸՆԹԱՑԱԿԱՐԳՆ ՈՒ ՊԱՅՄԱՆՆԵՐԸ

4. Ազգային մարմինը յուրաքանչյուր տարվա մինչև առաջին ամսվա 15-ը

Լիազորված պետական մարմինն է
ներկայացնում նախորդ տարվա ընթացքում կինեմատոգրաֆիայի ոլորտի
ֆինանսավորման համար պետական
բյուջեով նախատեսված և նախորդ տարում չօգտագործված միջոցների մասին
հաշվետվություն՝ նշելով դրանց
չօգտագործման հիմնավորումները:

5. Լիազորված պետական մարմինը, սույն որոշման 4-րդ կետով սահմանված
կարգով Ազգային մարմնի
կողմից ներկայացված հաշվետվությունը հիմք ընդունելով, շրջանառում է «ՀՀ
պետական բյուջեում վերաբաշխում
և լրացում կատարելու և պահուստային ֆոնդից գումար հատկացնելու
վերաբերյալ» ՀՀ կառավարության որոշման
նախագիծ՝ նախորդ տարի պետական բյուջեով կինեմատոգրաֆիայի ոլորտի
ֆինանսավորման համար
նախատեսված, նախորդ տարում չօգտագործված և մինչև տվյալ տարվա
դեկտեմբերի 25-ը պետական բյուջե
վերադարձված միջոցների չափով:

6. Կարգի 5-րդ կետով հաստատված Կառավարության որոշմամբ
ֆինանսական միջոցները փոխանցվում են
դրամագլխին մինչև ընթացիկ տարվա առաջին եռամսյակի ավարտը:

7. Կառավարության որոշմամբ պետական բյուջեից դրամագլխին կարող են
հատկացվել նաև այլ
ֆինանսական միջոցներ «Կինեմատոգրաֆիայի մասին» օրենքով սահմանված
գործառույթները իրականացնելու
համար:

4. ԱԶԳԱՅԻՆ ՖԻԼՄԻ ՀԵՌԱՐՁԱԿՄԱՆ ԵՎ ԿԻՆՈԹԱՏՐՈՆՈՒՄ ՑՈՒՑԱԴՐՄԱՆ,
ԻՆՉՊԵՍ ՆԱԵՎ
ԴՐԱՆՑ ԸՆԹԱՑՔՈՒՄ ԳՈՎԱԶԴԻ ՏԵՂԱԴՐՄԱՄԲ ՍՏԱՑՎԱԾ ԵՎԱՄՈՒՏՆԵՐԻՑ
ՀԱՏՎԱՑՈՒՄՆԵՐ

ԿԱՏԱՐԵԼՈՒ ՊԱՅՄԱՆՆԵՐԸ

8. Ազգային մարմինը իրավասու է Միասնական տեղեկատվական համակարգի
միջոցով ազգային ֆիլմի
հեռարձակման և կինոթատրոնում ցուցադրման, ինչպես նաև դրանց
ընթացքում գովազդի տեղադրմամբ ստացված
եկամուտների մասին տեղեկատվության առնչությամբ իրականացնել
մոնիթորինգ՝ անհրաժեշտության դեպքում
համագործակցելով այլ պետական կառավարման մարմինների հետ:

9. «Կինեմատոգրաֆիայի մասին» օրենքի 17-րդ հոդվածի 2-րդ և 3-րդ մասերի
համաձայն Ազգային մարմնի
կողմից ստացված եկամուտները կուտակվում և դեպոնենտացվում են մինչև
տվյալ տարվա դեկտեմբեր ամիսը
ներառյալ:

5. ԱՅԼ ԱՐԲՅՈՒՐՆԵՐԻՑ ՀԱՏՎԱՑՈՒՄՆԵՐ ԿԱՏԱՐԵԼՈՒ ԸՆԹԱՑԱԿԱՐԳՆ ՈՒ
ՊԱՅՄԱՆՆԵՐԸ

10. Դրամագլխին կարող են անհատույց ֆինանսական միջոցներ փոխանցվել

նաև Հայաստանի

Հանրապետության օրենսդրությամբ չարգելված այլ աղբյուրներից /այսուհետ՝
այլ աղբյուր/:

11. Բոլոր աղբյուրներից անհատույց ֆինանսական միջոցները բաշխելու
համար Ազգային մարմինը

Լիազորված պետական մարմինն համաձայնեցման է ներկայացնում Ազգային
մարմնի Հոգաբարձուների խորհրդի

կողմից հաստատված ծրագիրը՝ նշելով գումարի ծախսման նպատակային
ուղղությունները:

12. Լիազորված պետական մարմինը, մեկամսյա ժամկետում ուսումնասիրում է
Կարգի 11-րդ կետով

սահմանված ծրագիրը և այն կինեմատոգրաֆիայի ոլորտի
քաղաքականությանը համահունչ լինելու դեպքում տալիս

է համաձայնություն:

13. Կարգի 11-րդ կետով սահմանված ծրագրի շուրջ Լիազորված պետական
մարմնի հետ

տարաձայնությունների առկայության դեպքում, այն վերադարձվում է Ազգային
մարմնին և տրամադրվում է

երկշաբաթյա ժամկետ Լիազորված պետական մարմնի ներկայացրած
դիտարկումներին համապատասխանեցնելու և

կրկին համաձայնեցման ներկայացնելու համար:

14. Դրամագլխին այլ աղբյուրներից հատկացված ֆինանսական միջոցները
կարող են բաշխվել միայն Կարգի

12-րդ կետով սահմանված ձևաչափով և ընթացակարգով: